

文苑英華卷第六百六十一

啓十一

技知四

爲張周封上楊相公啓一首

爲李貽孫上李相公啓一首

爲舍人絳郡公上李相公啓一首

爲絳郡公上李相公啓一首

爲絳郡公上史館李相公啓一首

爲絳郡公上崔相公啓一首

爲韓同年上河陽李大夫啓一首

爲賀拔員外上李相公啓一首

爲同州任侍御上崔相國啓一首



為舉人上翰林蕭侍郎啓一首

為張周封上楊相公啓

李商隱

某啓某聞不祥之金大冶所惡自銜之士明時不容斯實
格言足為垂訓然或顧逢伯樂但服塩車聽屬鍾期不調
綠綺阜壤摧落老大傷悲同劉勝之寒蟬效子綦之枯木
則亦跡歸棄世行闕揚名某價乏琳琅譽輕鄉曲粗霑科
第簿涉藝文雖不穎於囊中水竟深於山上淹留蓮幕一作
候栖託一作戎麾挿羽佩鞬從相公於關右束書載筆隨
校尉於河源自北徂南已秋復夏心驚於急弦勁矢目斷
於高足要津而又求念弊廬空餘喬木月集作中桂樹遠
媿於幽人日暮柴車莫追於傲吏蔣鬚理髮霜雪呈姿

影颺音煙霞絕想徒以相公遠敦世故容在恩門存起

之孤受梁王之禮等將濫吹石有叅瓊咳唾隨風巧疎成

飾追惟疇曩曾是逢迎蜀郡登文翁之堂上國醉曹叅之

酒吹嗑力盡撫愛形顏雖以捧承莫能銜戴况許之高選

光彼官情以曲臺之任用猶輕憲署之發揮方盛仍期官

牒不越歲時今則節邁白藏侯臨玄律鷺雖戀主馬亦嘶

風郭仍還州尚不欺於童子文侯校獵寧爽約於虞人苟

四時之信是孚亦一諾之恩斯及况自元和已後公侯冢

嫡卿士子孫與之同時歷然可數莫不翔踰鳥道泳出龍

律或並命南臺或迭居青瑣金朱照耀軒蓋追隨某雖忝

伊人亦惟惟集作華胄比王謝之子弟誠有重輕在稽呂

之交朋夙嘗連接而獨分光隣女貸潤監河野鶴天麟絕
比倫於朝右髯叅短簿困擬議於軍前竊聽重言嘗與深
嘆是以願馳蹇步誓奉光塵儻或所錯薪之斯翹詠歸莩
於自牧少窺上路試睨重霄擊水三千暫隨鵬運澄流十
二免使魚勞猶能贊叙燮調謳謔鎔範庶無雅拜以累於
君公不使繁聲見憂於仲子心集作仁懷右集作台席夢結邊
城寓尺牘而畏達空函寫冊誠而慙非健筆仰望恩顧下
情無任攀戀感激惶懼之至

為李貽孫上李相公德裕啓

前人

月日從姪某官某謹齋沐裁誠著于啓事跪授僕者于獻
于司徒相國叔父閣下某伏遠牆藩亟踰年籛抱英華微

音於故器雖賞逐時遷竊餘潤於奧雲亦情由類至中阿
弭節末路增懷沉吟易失之時悵望難激之會石崇著引
徒願思歸殷浩裁書其如慕義伏惟相公冊青元化冠蓋
中州群生指南命代先覺語姬朝之舊族莊武慙顏叙漢
代之名門常平掩耀歲集作將隣三紀克佐五君動著嘉猷
行留故事陶冶於無形之外優游於不宰之中始者主上
以代卹承基琅琊績業明發不寐懷清廟之景靈日晏忘
飡念蒼生之定命爰徵元老久在寶臣五載干茲六符斯
炳頃單于故境集作地德鬻遺疆屢緣喪荒亟致攜貳夙沙
自縛其主冒頓忍射其親遂去北邊欲事南牧既赫斯而
貽怒乃密勿以陳謀管氏將來屢祭新柴之井留侯每入

便集作更聞借著之籌全師集作群師受成中樞獨運前軍露板

方事於羽馳清禁壽觴旋聞於月捷仍其貴種恭我華風

或辨姓寫誠推諸右校或釋兵伏集作服義列在周廬潞子

離狄而春秋書徐夷朝周而大雅詠其餘麇驚鳥散風去

雨還亘絕漠以銷寇委窮沙而喪膽胡琴公主已出於檐

檻毳幕天驕行遺其種落集作連略向若非薛公料敵先陳三

策克國為舉嘗集作盡通肆夷則何以雪高廟稱臣之羞全

肅祖復京之好此廟戰之功一也惟彼叅代疑作伐實興皇

家天漢美名方之尚陋春陵王氣比比非多而物衆藏姦

地寬長孽敢起在行之衆因興逐師之謀遂使起義堂邊

台臣夙駕晉陽宮下逆豎宵奔集作翻月非勢將冀於連雞勇

鬪尚同於因歌詎知長筭已出奇兵金僕靈鈺靡留於句

朔獲輿貫木已集於都街此廟戰之功二也而潞寇不懲

兩豎之兇徒恃三軍之力干我王畧據其父封袁熙因累

葉之資衛朔搥大君之詔人將自棄鬼得其集作而誅桂覺

井寬蟻言樹大招延輕險曾微集作微非吳國之錢藏匿罪亡

又乏江陵之粟所謀者河朔遺事所恃者巖險偷生今則

趙魏俱攻燕秦集作齊併入奉規於帷幄遵命於指縱亞夫

拒吳驚東南英華作西非而備西英華作南非北韓信擊魏臧臨晉

而渡夏陽百道無飛走之虞一縷見傾危之勢計其反接

當不踰時是則陳曲逆之六策集作奇翻成屑屑焉武侯之

八陣更見區區此廟戰之功三也孤集作三寇行靜萬方率

同將盪海騰區夷山拓宇高待泥金之禮雄專痊王之辭
烟閣傳形筆車就國盡人臣之極分煥今古之高名况又
奉以嘉聲諧茲國檢傳文賜糗遠箴醉飽之徒晏子朝作
漣衣橫厲輕肥之俗比周息慮孤介歸仁紹續勲家扶持
舊族罔容私謝皆事公言景風至而慶賞先行仲吕叶而
賢良必遂豈直杜伯山之令子大邑傳榮陶彭澤之孤孫
西曹受署重以心游書園思託文林提英華作抱於絕藝
之場班楊掃地鞠旅於無前之敵江鮑輿尸集作故矯枉
集作則黃冶德裕有黃冶賦之賦興游道則知止之篇作
詞窮體物律變登高文星留伏於筆間綵鳳翱翔於夢裏
此固談揚絕意報集作效何階若某徒預宗盟早塵清

而行裁遷賀岐路差池今將抽實吐誠推心叙欵緘集作

猶未寫詞已失煩集作某爰自弱齡實抱孤操寒郊映雪

暑草搜螢雖有謝於天姿或無慙於力學庾持奇字陳庾

好為奇字英華信未嘗通敬禮小文頗常留意大和中敢

揚微抱竊獻短章方候明誅忽蒙復命荊州一紙河東百

金叨延月旦之評長積竹林之戀竟以事將願背蹇與身

期離索每多交攀莫遂武陵被病洛表求醫未及上言先

蒙受代肩輿而至杜門以居蓬藿荒涼風霜迅厲今已稍

痊美疹獲託休辰殷鈞體羸尚能為郡馬卿疾罷猶可言

文退無井臼之資進乏交朋之助是以徘徊軒幄託附緘

封冀陳蔡之及門庶江黃之列會敢渝孤直仰累清光東

浪驚年西颺結緡矢

英華作交非

心佩賜畢命銜輝道阻且躋

書不盡意金盃假蔭望同相賀之禽珠岸迴光庶及不枯之草明懸肝膽唯所鑪錘干冒尊嚴伏用兢灼謹啓

為舍人絳郡公上李相公啓

前人

某聞量力省躬典刑之深旨度材任事聖哲之良規某雖

甚愚頗嚮斯義屬者謬圖

集作從

仕進因籍時來伏值相公

顧以外藩夙通衿契憫羊曇之未立早託謝家憐康伯之

無歸常依王氏拔於幽滯處以周行遂俾

集作得

南憲中臺

屢承闕乏內庭西掖比辱昇遷邁越時流塵汗中旨恩渥

非次性命難移徒當侍從之榮莫有論思之效竟使懼因

福過疾以憂成外雖全人中抱美疢亦常願青蒲瀝懇紫

殿披誠進退未聞過累仍積及正名綸閣收跡翰林尋願

集作欲

竊候休旬拜伏

集作拜伏

蕭屏謝昔年之朝獎杼他日之

私誠而機事且繁變和少暇齊沐累至肝

集作肺

腸莫滋旋

屬虜帳夷氛壺關伐叛絳臺北控有元戎大集之師鄭國

東臨過列鎮在行之衆任當調發事屬供湏豈斯擇材皆

在非據周旋三郡綿歷兩霜頒宣詔條祗暢

集作暢

廟畫雖

無咎悔亦乏殊尤

集作功

今幸四海無塵九州嚮化靈臺偃

伯衢室歸尊是修明禮律之初舉拔俊賢之始而鄭之為

地右臨梁苑左倚成臯比之列藩實為劇郡山東望族幾

同屈景之強洛邑頑民嘗雜荏蒲之聚末言出牧豈易其

人而又孔道所因使車旁午送迎或闕則怨讟流詞館餼

稍求

集作

則職司謗

集作

辱託之全器猶或難居矧在朽

材寧宜久處某伏思自隨宦

集作

牒遽忝恩榮位至主符

寵當金紫或筋骸無苦心志有餘即豈願踞熊軾以告勞

指隼換而辭疾直以攝生寡妙舊恙無痊儻或形言懼塵

清聽每朝昏改候霧露潛威則或至問俗有違在公多廢

坐為尸祿行有愧顏而又貪盛明之時有婚嫁之累未敢

高論止足直乞退休是以輒疏情誠上千陶冶伏惟相公

雲龍叶應舟楫呈功比屋可封期於屈指一夫不獲固以

動心如蒙曲鑒深誠猥從至願置之他所以遂其愚

集作

則吳楚列城江關別郡

集作

雖居鄰佐亦委緝綬獲安病

躬豈敢擇地猶希磨淬鉛鈍撫養疲羸積以歲月少裨塵

露伏惟試賜恩照園城帶緩髮稀弁傾窅然向風目極心

往下情

云云

為絳郡公上李相公啓

前人

某少悲羈屑不承師友之親

集無

規晚學文章粗致鄉曲

之名

集無

譽謬汙官秩遂彰華纓握蘭清曹視草禁掖貪

叨過極憂責匪寧早為寒暑之所

集作

侵頗染

集作

肺腸之

疾自頃以慶雲結蔭宸極係心當就望以推誠於煎調而

寡裕前歲伏蒙任使奉遠承明值朝廷興問罪之師原野

有宿兵之餽絳城甚苦鄭驛匪遙

集作

加之以降虜移鄉

仍之以貴臣銜命飛輓之外將迎寔繁旁奉廟謀上遵詔

旨動繁調發居勞撫安抱疾以臨為日斯久伏幸姦克

文苑英華卷一百一十五

又濡澤橫流是大朝陟降集作之初良冶集作挺鎔之始此郡

路通四境名冠六雄軒蓋已來原野交錯集作萍浦有聚

武吏貽憂雖清時無杼軸之虞而常日有逋懸之賦必在

假之賢守屬以強材然後清集作詠克興公私不廢豈可

使某素兼疴恙本乏良能久於是邦以主東道饋餼將藥

甌並進假牒以公案相隨含意不言貪榮是罪相公漢籌

始運殷鼎將調度材任官歸於至當存誠愛集作物决在

無頗竊敢自託緘封遠干樽俎俯期恩意集作以保衰微

且某運偶昌期年初知命豈不願臨劇郡稍冀榮途但以

力有所不任心有所不逮雖欲勉強實憂傾敗彼吳楚偏

鄉非舟車要路永言凋瘵亦籍緝綏儻特降優容遙聞擬

議則朽質有報恩之所羸軀收曠位之譏宿疾或痊理劇

未晚伏惟試賜裁庶入嚮風披懇服義陳詞仰台耀以瞻輝

望洪鈞而佇惠干日月尊德集作伏積兢惕謹啓

為絳郡公上史館李相公啓 前人

某啓伏以秉大鈞者以物得其所為先執大化者以材適

於任為急將以致理在明命官使輕重合宜大小集作有

裕然後人稱其職職無廢人此相公之所集無以明知也

某材術素寡聲光莫聞偶叨承平謬登華顯洎分符竹使

絕籍金閨一授專城再賜灰瑄且解巾臨郡前賢攸重一

麾出守昔人所榮雖積戀於本朝實俯光於單緒况又此

州管叔舊國帝鴻遺墟接彼嶽嶢浸以京索聚山東之右

族邇維表之宸居內揣非才頗榮斯集作任而復以通莊

所自假道攸繁載惟錢迂之勞實半頌宣之務必屬於壯

齒付彼全人用以責功僅能集事某早年被病晚歲加深

衣袴無取於潔清藩溷動淹於景刻徇已則坐墮物務業

官則立致蕭衰頽集作俱濟於公私實加憂於寤寐坐集

矧茲仍歲適有外虞降卒征人旬時併集飛芻輓粟星火

為期以此疚心彌深舊恙今寔瀛大定雨露霧流高步翰

飛一呼而至雲羅塲霍萬里無遺將調斯人以求良牧得

才為美今也其時儻蒙允贊聰明曲聽奏記俯憐衰薈稍

賜優容則亦不敢便掛簪纓遂離鑪集作冶江吳偏却襦

袴湏人無根節之難少舟車之會俾之養理使得便安庶

粗致人謠以酬廟筭則某所謂材有稱職時無廢人凡在

宦途皆仰時化伏惟試賜恩察遠離漸久刺請未由昔在

丘門嘗忝四科之列今瞻魯史將期一字之恩下情無任

感戀兢惶之至

為絳郡群公上崔相公啓

前人

某啓某本洛下諸生東莞集作舊族粗霑科第薄涉藝文

謬藉時來因成福遇青纁赤管已忝於華資集作黃紙紫

泥仍叅於宥密相公早容薄伎獲寄光塵別殿朝廻禁林

夜直每披襟素常賜語集作言知蔣琬之為公敢矜先見

哀馬卿之多病亦辱來言圭律未遐銘鏤斯在相公集

羨梅調味舟集作檝濟時晉水擒兇韓都蕩梗以不剛不

柔貞百度以無偏無黨定九流若某者實有何能可叨出
牧絳田已非厥任榮波轉過其材間歲已來為政非易有
南遷之降虜有西山之成師資靡所供餼牽之備未嘗造
次敢怠躬親今梟獍掃除馬牛歸放將使坐臻富庶必先
用得材能此地名高六雄實控東道分憂之寄自昔為榮
况在踈蕪敢忘涯分但以輶軒至賦貢川流非唯撫字
之難兼有送迎之遽舊疴加甚朽質難堪假故稍頻曠廢
為懼又以宦游既久故里多違陶令之田園將蕪尚平之
婚嫁未畢顧惟羈絆未可歸休竊敢遠疏丹誠上千清重
匪獨析恩於時宰實將誓款於已知儻蒙以然諾為心誠
明濟物垂憂不逮賜議所安則吳楚之間郡邑不非集作少

非集作當衝要或異膏腴使之頒條庶可求瘼一昨賊平
之後啓事尋成冰霜始嚴筆札未暇又伏慮內庭展顧稱
已推遷外郡寓詞頗乖流品沉吟有日鬱悒經時今則情
素坐煎驅馳行久若猶緘默是負陶甄伏惟曲賜恩鑒誠
懸書殿戀積台階比殷浩之空函情同事異望孫弘之東
閣魂徃形留下情不任感戀兢惶之至

為韓同年上河陽李大夫啓

前人

某啓某材術空虛行能無取因緣慰薦蒙記姓名劉弘一
紙之榮方斯未重季布百金之諾比此猶輕昨者李涿侍
御此來又蒙降以重言將之厚意望輝光而便同簪履在
負荷而何啻丘山况某婚姻早聯門館外舅以列藩之故

家人延自出之恩重疊依投綢繆顧遇東床坦腹早以愧
於郗公朱印曳裾復欲階於謝掾儻復清風時至丹慊獲
申實於生前識其死所伏希恩答

爲賀拔員外上李相公啓

前人

某啓某聞被彩飾於無用之姿斯瀕或可垂休光於不報
之地始卒攸難至有馬瘦而尚報輕軒席弊而猶存華幄
推仁則極備用無聞雖有切於戀思且自量其涯分嗚呼
某者今甚類焉翰柔莫申語苦難聽聊憑牋素用駕肺腸
伏惟少霽尊顏猥賜披省某伏思早歲仰累深知龍尾貽
譏敢通交契牛心前啗實媿時才世故推遷年華荏苒葭
灰檀火屢變於寒暄靈濟泥涇遂分於清濁羈離管札俛

俛絃歌名汗柳營顏慙花縣竟以千金乏產三逕無歸初
服莫從迷津亟問屬者伏幸相公羨梅調味川楸濟時起
塌翼於衝風活枯鱗於亂轍登諸蘭署轄彼芸籤臺閣移
文語薛夏而無取東南才子並張率以何能未報前叨旋
承後顧版圖被召花幕分榮牧駑駘於阜稜之中刻蚣蟻
於樂懸之上勢高足跌道泰身也也未竭私誠已嬰沉痾况
某素無靈氣夙味攝生乏單豹養內之功闕王吉實下之
效湫底莫適節宣失中然猶深願待年少酌厚德三醫畢
訪百藥皆投竟非無妄之災莫見有瘳之候濱於九死復
彼十旬取煖則煩加寒必剝髮寧支弁帶不成圖謝述心
虛方茲未逮田光精竭比此猶強豈可尚占職負但尸俸

入久塵物議且速殘骸况相公職統薄遠時登衆寡任崇
 按比務繫孤絲見國語職是賓僚豈宜虛曠固不可不私微
 物曲降深慈憫將盡於素榆妨得材於杞梓是以推枕興
 感攝衾占辭願申歛跡之期以贖曠官之咎祇聽裁旨用
 息兢惶必也舊履流恩遺簪結念集作歛恤以孀孤非少婚
 嫁未終不使衰羸便辭祿仕致乎外地晞以末光未乖念
 錄之仁稍減憂慙之累亞尹諸府別乘近郊負荷無羞體
 餽有繼則猶冀逢十全之藝近一日之生重發門墻再就
 埏埴是所願也非敢望也詞多力殆感極集作深涕英華作繁
 避席承言未卜曹參之待封函矧欵畏遺殷浩之誠集作書
 瞻望清光實動魂守伏惟特賜優察

為同州任侍御史上崔相國啓 前人

憲啓憲質異楚材寶同燕石重以羈中即丁憫凶瞻遺構
 以闕然不堪多難奉成書而未就無處求生藐是流離屢
 經寒暑逮于集作乎既冠猶恤無家叨承師友之規獲忝簪
 纓之列此皆相公推孔李之素分念國高之舊家鏤朴雕
 頑披聾抉瞶沐膏雨以令植假順風而使飛不然則安得
 獲驪龍之珠假獬豸之角榮皆過望感豈勝言而猶長望
 下風徘徊高義望賀燕以難去撫栖鳥而不寧者蓋以相
 公以伊臯之事業佐大君以楊馬之文章輔昌運一登宣
 室遂借前籌以有征無戰之方彰明下武以未逸暫勞之
 勢恢拓中華不舞梯矐不鳴金鼓復數千里之沃野刷十

五聖之苞羞彼圖穀而穀人不知入鄭而鄭陴皆哭方茲
決勝彼有多慙今百戰聿修五工集作九功咸叙萬國佇登封
之禮五山傾望幸之祥鰈至鷓來未茅歸楛入馳湯驟夏轡
漢陵周若憲者雖不能行舞舜戈坐耕堯壤至於獻千載
河清之序裁二王助祭之詩歌詠相庭發揮帝載則其志
願亦或庶幾伏希孫閣時開邴茵多恕克懋山公之德終
全趙氏之孤擁篲瞻門封函即諾苑沙宮樹雖吟左輔之
風煙良夜慶霄唯望中台之晷度感恩撫已誓志投誠仰
惟輝光終賜埏埴下情無任感激攀倚惶戀之至

爲舉人上翰林蕭侍郎啓

前人

某啓某聞師曠之琴不鼓之則無以召玄鶴楊羲之石不
用之即無以聘應龍物既有之言亦由是伏惟侍郎學士
網緼降秀翕闢資華天上北方但有文星粗爾人間議擬
未將泰華爲然爰自妙齡遂肩名輩當時人物何哉唯効
於楮公邇日風流杜又難方於衛玠加以弘成與石郭璞
傳毫渙水儻來皆逢藻繪荆峯若至只有瓊琳合沓繼緗
縱橫筆硯三都作序不勞皇甫士安萬乘爲僚只有東方
曼倩况從近歲且有外虞傳介子在樓蘭國中竒功未就
班仲叔於玉門關外報命猶賒雖太平之業已隆而震耀
之威尚作侍郎又綢繆武帳密勿皇圖九地九天之兵寧
因舊學七縱七擒之術固已玄通用視草之工解按劍之
怒手爲天馬心繪國圖九重之中暫煩前箸萬里之外輒

敢衡車位誠在於論思功已參於鎮撫圖書之府拚筭之
司伊咎懸遺悵集作為恨之誠夔說貯妨賢之媿載惟後命夫

豈踰時抑某又聞之昔管仲經邦賓客有二周公待士吐

握皆三邴丞相之車茵寧彈醉客平津侯之賓館不礙布

衣並脂粉簡編冠纓圖史後之披卷皆若昇堂侍郎美譽

滂流高節彌折擔簦者成市躡襜者如雲此乃前賢後賢

不殊軌轍往哲來哲非異門墻縱燕有黃金之臺齊為碣

石之館料其棟宇必已荒蕪若某者陋若左思醜同王燦

鬚眉不及於崔琰腰腹無預於鄭玄若值庭蘭固多慙德

如逢巖電不望齊名重以惠劣禰生專非董氏殊顏回之

易鑄若宰我之難雕徒欲萬卷咸披且乏五行俱下叨從

歲賦勉致文編戶戶嚙甌唯聞見辱人人齏白不肯留題

再困於魚筮一慙於鴈序其長兄兩然天付直氣家傳義

方雖在顓蒙不苟述作廣絕交之論抑有旨焉移太常之

書非無集作為也頃者曾干闈侍獲拜堂皇既容納之有

加遂希望之滋甚爾後以毛傷崇集作彈鱗損任鈎拔刺

不遷噉喁無暇既乖受教便以經時今孝秀員集作來風

霜已積秦人屢出自欲焚舟楚卒數奔誰教拔旆是以更

持魚目當夜肆以沽諸復挈豚蹄祝天特之未已義誠多

媿志亦可憐儻蒙猶枉鉛華更施丹艷集作伴其恩地不在他

門雖不及采集作擬作集作椽備枝梧於大厦亦庶乎稊米增流

衍於神倉與夫九九之能集作推非集作循或萬萬相遠誠深詞切

聲急嚮煩仰郭泰之龜龍望仲尼之日月濡毫伏紙億萬
常心干冒尊威伏用戰灼謹啓

冬月初九日夜五八十九字

文苑英華卷第六百六十一

文苑英華卷第六百六十二

啓十二

投知五

上白相公啓一首

上崔相公啓一首

上翰林常學士啓一首

上令狐相公啓一首

上崔相公啓一首

上首座相公啓一首

上宰相啓二首

爲人上裴相公啓一首

上塩鐵侍郎啓一首

上封尚書啓一首

投憲丞啓一首

上裴舍人啓一首

上蕭舍人啓一首

上學士舍人啓一首

上杜舍人啓一首

上吏部韓郎中啓一首

上白相公啓

薛逢

某啓某聞杞梓居林掄材必藉其良匠擘騮伏阜發跡用
 章於閨人將假激揚必先紹介如某者關中士族海內窮
 人幼遭憫凶壯知傳導南窮海裔北濟河源勤苦一經恓
 惶三紀家門版蕩亡惠子之五車風樹哀纏痛虞丘之三
 失加於元昆厄一作抱瘵孀妹無家同氣六人半歸全壤嗟
 乎郭氏之昆多疹顏生之室屢空縱白首粗霑一名或終
 身不知五味衰衰齒及沉痛可知徃徃晝卧及昏夜坐達
 曉長安甲第羅列九衢朱門大開欲徃誰訴因大中四年
 冬蒙相公念以苦心拔授館職期於日暮必使奮飛旋遇
 羗寇犯邊相公北討風雲一失流落十年尉萬年而即秘
 書宰四畿而紉東絡凡所蒞守皆立涓塵但以時尚佻浮
 不熟根本以親庶務者為俗吏以能矯枉者為令人聲名
 看門簿高低流品出人家子弟豎置童駃擠排老成遂使
 清貫華資茂聞於擬議塗趨全走又困於風塵自相公每
 再疑作秉鈞衡重開鑪冶私門相慶如春發榮山妻欽袂而
 前曰爾以詞賦掇高科以詩篇達天聽以政事取章授以
 孤直沉下僚今相國司徒公鼓鑄元和疇庸品物風俗日
 益厚太階日益平是懷才抱器之人雲飛兩化之秋也何
 尚悒悒於蓬茅者乎於是整某之冠急某之帶驅策僕御
 促某出門仍授某洛下所著百篇再拜祝而送之曰飛龍
 在天雲雨閨闈賢相秉鈞倫方序員時哉時哉君其勉焉
 某離鞍拜賜超乘而出茫茫一作洋然而又不知其所自平

生坎壈難自梯媒進退嘒嘒終莫上達亦猶魘者夢逐聲
愈哀而言愈不宣足愈勤而身愈不進孤影無援危燈在
旁幽憂旅寃逼迫中夜獨能振臂呼而寤之者唯相公乎
伏惟明誠燭兩耀大信鈞四時綱維設而天地開陰陽順
而風雨若一物失所如推諸隍某所以滌慮嚮風齋心卜
日細將肝膽具以一作再具披陳伏惟念以迷邦釋之網罟幸
甚每自握朝鏡潛窺壯猷恭守門風不敢墜地或乘秋博
擊或載筆芟夷或獻替而定否臧或從容而備顧問傳諸
流輦亦不後人誠知自銜自媒士之醜行但以日暮途遠
倒行逆施若俟涉級循涯必慮填溝委壑而又搜尋志尚
爰及成人役思慮者三十年著詩賦者千餘首雖不足誇
張流輩亦可以傳示子孫豈料尚與廢第小兒蹴躡中途
而爭先後抑又聞哀音入耳達者動容伏惟示以長途指
之中道俾入懷之鳥重明夏漢之心曳尾之龜再有巢蓮
之望不獨銜環報寶矯印酬愉必能當場効尅敵之功灼
骨獻非熊之兆伏以國政初畢機務尚繁敢罄腹心先致
門闥僭越之罪無所逃刑伏惟俯賜省覽百生幸甚百生
幸甚不宣謹啓

上崔相公啓

前人

某啓某聞擁腫之材動垂於繩墨崢嶸之韻自合於宮商
雖觀聽以由人實否臧而在已所以困驥見稱於伯樂焦
一作爨桐取譽於伯喈咸發跡一時垂芳千祀某自開成建

號則執藝求知跡忝及門名叨中選或緣情序美移時而
獎導再三或體物達誠一席而稱揚數四遂使聲華振耀
誼動輩流桂折高枝名登上第但以依仁歲久軒墀之桃
李成陰趨屏年深門巷之椅桐暗老徒蒙蔭覆莫自根牙
良辰幾何玄鬢倏改伏惟相公推名意切錄舊情深朝宣
一言夕濟千里俾平生志業不負於辛勤向者恩知果成
其遠大生死幸甚生死幸甚頗將偃頓屢墮堦墀日暮途
遙誠堪憫念

上翰林常學士啓

前人

學士文山拔俗嵩華讓其孤標學海無邊乾坤以之涯淡
漫游仙署偃息禁園筆灑玉猷硯涵天澤成霖而雨露非
遠吐氣而虹蜺坐舒流品群倫衣冠仰其衡鏡扶持大厦
社稷思其棟梁不有伊人孰爲邦彥某頃因章句獲達門
牆雖大匠剪拂之間多慙擁腫而貧女鉛黃之飾豈讓娉
婷故得桂枝先攀楊葉高中始謂陵躍出泥滓指顧生風
雲嗟乎九仞將成而一簣莫前三年欲飛而長風不借顧
影增嘆誰將晤言當疑作嘗聞通義相公爐冶新開陶甄是
切儻閣下猶傷墜履一作屨終許掃門信執鞭之亦爲奚指
蹤而不可方今選限猶遠官秩未期伏希度以短長擇其
任用上可以考校書府下可以羽檄戎藩庶竭駑駘稍裨
萬一聊將肝膽輒自梯媒躁進之辜不敢逃責

上令狐相公啓

溫庭筠

某聞立明作傳必受宣尼王隱著書先依庾亮或情優國
士或義重門人咸托光陰方成志業抑又聞棄茵微物尚
軫晉君壞刷小姿每于齊相豈繫効珍之飾蓋牽求舊之
情某邴第持囊嬰車執轡旁微義故最歷星霜三千子之
聲塵預聞詩禮十七年之鉛槧尚委泥沙敢言蠻國叅軍
鬻得荊州從事自頃潘床無鏡校府侶疑古戴經稱女子
十年留於外族稽氏則男兒八歲保在故人貌是流離自
然飄蕩叫非獨鶴欲近商陵嘯類斷猿况鄰巴峽光陰詎
幾天道如何豈知最陋之姿獨隔休明之運今者野氏辭
任宣武求才儻令孫盛緹油無慙素尚蔡邕編錄獲偶貞
期微廻警歎之榮便在陶鈞之列不任覩月彷徨之至

上崔相公塔

前人

某聞石苞羈賤早遇何曾魏武尊高復知徐晃其後咸成
間氣訖立鴻勳簡冊一作素增輝亦俾罇彝動彩則道惟熙

載皆資甄藻之時德邁賡歌必用搜羅之道是以皇網克

序茂範咸凝某荆氏凡材雕陵散質謬傳清白實守幽貞

矍圃彎弓何能中鵠立門用賦尋耻雕蟲常患荒蕪殊非

挺拔依劉薦禰素乏梯航慕呂攀嵇全無等級分甘終老

莫有良期既而竊仰洪鈞來窺皎鏡墳壚下土敢望頌形

甕盎頑姿寧希鑒貌豈謂不遺孤拙曲假生成拔於泥滓

之中致在煙霄之上遂使龍門奮發不作窮鱗鴛谷翩翩

一作朝一作終陪逸翰此則在三恩重吹萬功深空乘變律一作捷

之機未得捐軀之兆豈可猶希鼓鑄更露情誠伏念良馬嘶風非其伏皂饑鷹刷羽終耻棲籠誠知秦養之恩頗有飛翔之志而又專門有暇曾習政經閉戶無營因窺吏事既辨張湯之鼠深知子產之魚書劍彷徨年光倏忽徒思効用無以爲資儻蒙再扇薰風仍宣厚澤庶使晏嬰精鑒獲脫於在途駿茂微班得昇於收噐纔聞警效便是扶搖

上首座相公啓

前人

某聞舉不違宗得於王濟近因其族聞自謝玄雖通人與善之規亦前哲睦親之道某謬參章緒得庇餘蔭固已經庭蒙翼長之恩阮巷辱心期之許遂得遷肌改骨擁本揚英則窮鳥入懷靡求他所羈禽繞樹更託何枝昨者膏壤五秋川塗萬里遠違慈訓就此窮棲將卜良期行當抄歲通津加歎旅舍傷懷相公河潤餘津雲行廣施調羹之味未及宗親育物之餘希沾幼弱儻或假一言之甄發隨百蟄之昭蘓庶令葛藟之陰拘疑作均其煦育椒聊之實遂彼扶踈成鍾儀操樂之規寬顧悌拜書之戀下情無任

上宰相啓二首

前人

某聞日麗于天洪纖必及月離于畢枯槁皆蘓斯則推拔疑作彼無私彰於大信苟關於宰匠咸仰以生成其或潤接西郊流金未已光承北陸豐蔀猶深則亦分作窮人其爲棄物歲華超越京洛風塵忽爾號咷固非阮籍泫然沾灑不爲楊朱畧忘覩冒之辜惟以哀矜爲主伏念三餘簡墮

六尺伶俜臨濟輝華昔懸陳榻洛陽羈旅今造膺門已驚
於自棄流根敢望於哀多益寡但以謝家故墅事屬臨川
陸氏先疇名遷好時同氣雖均於昭泰連枝或累於榮枯
是以更就洪鈞來呈鑽質雖戴遠之弟志尚無聞而何準
之兄恩輝已遍豈宜苟希河潤更望餘波投驥尾以容身
執豚蹄而望歲然則迹同末疑作水子質異山即梓柱雲楣
獨居蝸舍綺繻紕袴已卧牛衣若乃清旦問安長筵稱壽
貂璫必集少長俱來膏沐之餘則飛蓬作鬢銀篋之末則
青草爲袍莫不顧影苞羞填膺茹歎儻或王庭辨貴許厠
九疑京縣坐曹令懸五色校於同列未越彝章則衛館孤
遺常聞出涕山陽舊曲不獨傷心誓將居必在勤行惟鞭
後潛知寄託所望於江州必効忠貞得酌於吏部無任惶
懼之至

二

某聞仁祖乘流先知彥伯張憑植棹整值劉恢豈惟俄頃
遭逢抑亦初終汲引當其羈遊臨汝旅泊丹徒遐思警歎
之音杳絕烟雲之路苟無直道將委窮途何異於懸水揚
音九弄有灑浚之曲嚴霜戒節兩學含清越之儀某融襟
蟻術造跡龍門三千子之聲塵曾參講席十七年之鉛槧
夙預玄圖而性稟半癡機無兩可牧堯羝而寡術舉舜鳳
以無緣使何準之兄皆爲杞梓戴逵之弟獨守蓬茅至于
詞苑辛勤儒林積習自期燕竒不媿秦臺伏以相公周輅

輪輶虞琴節奏早振經邦之業果教華國之姿伊尹安危
本同於兆庶淵源晉殷浩字淵源唐人避諱以深字代淵此猶存舊字行止必繫於
興衰既而放跡戎軒遺榮畫室劉尹穉陵之柳尚有清風
邵公陝服之棠空留美蔭竊聞謠詠即付樞衡是以負笈
趨塵羸糧載路願奏書於台席思撰履於侯門儻張禹尊
高猶為戴榮說禮鄭玄嚴毅便令服慎聞詩敢嘆朝饑誠
并夕死加以旅途勞止末路蕭條不無悽惻之懷豈只羈
離為主仰瞻旌祭如望蓬瀛不任懇迫之至

為人上裴相公啓

前人

某聞瘦馬依風悲昔感土秋鷹厲吻饑即投人能知秦豨
之恩願歸飛之兆是以臺卿瀝壘先告孫賓越石棲身准
親晏子觀賢達始終之趣察古今行止之規必有良知願
諧依託某伶俜弱植焦悴孤根詞林無渙水之文官路乏
甘陵之黨每持踈拙久謝紛華既而曳履侯門經時不遇
牽裾憲府越月而昇九衢獨愧於迷津五省纔霑於掌庾
相公初締鄭棟甫潤殷林寧知葺陋之姿首在陶甄之列
拔於即吏委在絃歌元日縱囚殊無異政清晨探賊未報
殊恩豈期遽露情誠猶煩鼓鑄近者私門集豐同氣貽災
孀幼流離關河緬邈淚變萇弘之血髮同園容之絲萬里
魂銷孤燈弔影盖生人之大痛行路之同悲泉壤長辭何
緣取決人琴併絕不得申哀端居則有愧簪纓乞告而曾
無事例又以孔懷酷遠先莹非遙求言龜告之期遂在蠲

鳴之月儻解其所任契彼私心絕緬冒於官曹獲優游於
教義孤誠所願九死如歸其或念以艱虞難於罷免亦有
虐閑散秩不滿於幽微終鮮之悲無慙於顯晦伏增哀迫
懇款之至

上鹽鐵侍郎啓

前人

某聞珠履三千猶憐墜屨金鑿十二不替遺簪苟與求舊
之懷不顧窮奢之飾亦有河南撰刺微彼通家號畧移書
期於倒屣志亦求於義合理難俟於言全某管蒯凡姿知
滕陋族釋耕耘於下邑觀禮樂於中都然素勵顛蒙常耽
比興未逢仁祖誰知風月之情因夢惠蓮或得池塘之句
莫不冥搜刻骨默想勞神未嫌彭澤之車不嘆萊蕪之甑
其或嚴霜墜葉孤月離雲片席飄然方思獨往空亭悄爾
不廢閑吟強將麋鹿之情欲學鴛鴦之性遂使幽蘭九畹
傷謠詠之情多丹桂一枝竟攀援之路斷豈真牛衣有淚
蝸舍無煙此生而分作窮人他日而惟稱餓隸頃者萍蓬
旅寄江海羈遊達姓字於李膺獻篇章於沈約特蒙俯開
嚴重不陋幽遐至於遠泛仙舟高張妓席識栢溫之酒味
見羊枯之襟情既而哲匠司文至公當柄猶困龍門之浪
不逢嬰友一作谷之春今日俯及陶鎔將裁品物輒申丹慊
更竊清音儻一顧之榮將廻於咳唾則陸沉之質庶望於
騫翔永言進退之塗使決榮枯之分如翩翩賀鷟巢幙何
依殼棘齊牛鬣鐘將遠苟難窺於數仞則求墜於重泉空

持擁護之情不識叫閹之路不任懇迫之至

上封尚書啓

前人

某跡在泥途居無紹介常思激勵以發湮沉素稟顛愚夙
孰比興因得誅茹絕頂雉草荒田默想勞神冥搜刻骨遂
使崇朝覽鏡壯齒成衰暇日歌冠玄髮一作髮變白望將蕪
菲來貢文明伏遇尚書秉甄藻之權盡搜羅之道誰言凡
拙獲預恩知華省崇嚴廣庭稱獎自此鄉閭改觀瓦礫生
姿雖楚國求才難陪足跡而丘門託質不負心期一旦推
轂貞師渠門錫社顧惟孤拙頗有依投今者正在窮途將
臨獻歲曾無勺水以化窮鱗俯念歸夷猶憐棄席假劉公
之一紙達彼春卿成季布之千金沾於下士微廼咳唾即
變昇沉羈旅多虞窮愁少暇不獲親承師席躬拜行臺
冒尊顏伏增惶懼

投憲丞啓

前人

某聞古者窮士求知孤臣薦拔或三歲未嘗交語或一言
便許忘年竒偶之間彼何相遠則運租船上便獲甄才避
雨林中俄聞託契此又無由自致不介而親者也某洛水
諸生甘林下黨曾游大學不識承宮偶到離庭始逢仲高
懸蘆照字編葦為資遂竊科名纔沾祿賜常恐澗中孤石
終無得地之期風末微姿未卜棲身之所侍郎議一作義合
機豕望逼台衡每叙群才常推直道昨者攝齊丘里撰刺
膺門伏蒙清誨垂私溫言假煦內惟孤賤急被輝華覺短

羽之陵颺侶窮鱗之得水今者方祗下邑又隔嚴扃誰謂
避秦翻同去魯停見漢朝朱博由憲長以登庸願同晉室
徐寧因縣僚而遷次下情無任

上裴舍人啓

前人

某自東道無依南風不兢如擠井谷若泛滄溟莫知投足
之方不識棲身之所孫嵩百口繫以存亡王尊一身困於
賢後伏念濟絕氣者命爲神藥起僵屍者號曰良醫自頃
常奉緒言每行中慮徬將瑣質貯在弘衿今則阮路興悲
商歌結恨牛衣夜哭馬柱晨吟笈徘徊九門深阻敢持
幽款上訴隆私伏以舍人十六兄法上聖之規行古人之
道俯敦中飢不陋幽沉迹在層霄足有排虛之計身居大
輜寧無拯溺之方伏在庭除希聞警欵下情無任

上蕭舍人啓

前人

某啓某聞孫登之獎稽康駸茂之逢叔向蓋亦仙凡自隔
豈惟流品相懸雖三秀靈一作鮮華終難苟得而一言輝綏

因此相期曷嘗不仰企前脩追懷逸躅豈期陋質偶竊貞
規某噐等銜管居惟嶺嶠徒然折簡非孔門之詞率爾中
科忝劉繇之第殷劓協律頃因同籍遂及論交竊示衷一作

稟言奉揚嚴旨張司空汲引先及陸機楊丞相銓衡竟遺
劉炫實亦義同得祿榮甚登門伏以舍人川瀆降靈星辰
効祉所冀陶鈞之日不忘簪屨之餘報不先期竊比齊門
座客清非自外欲爲顧氏家丞徒自捐軀安能報德下情

伏增依託

上學士舍人啓二首

前人

某聞七桂疑希聲契冥符於涑水兩變孤響接玄映於清
 霜感達真知誠參神妙其有不待奔傾之狀寧聞擊考之
 功亦有芝砌流芳蘭荷襲馥已困雕陵之彈猶驚衛國之
 弦而暗達明心潛申讜議重言七十俄變於榮枯曲禮三
 千非由於造詣始知時難自意道不常艱某苟鑿搖車鬮
 琴入爨委悴信疑人之末摧殘膳宰之前不遇知音信爲
 棄物伏以學士舍人陽葩擧秀夏采含章靜觀行止之規
 已作陶鈞之業遂使枯魚被澤病驥追風永辭平坂之勞
 免作窮途之慟恩如可報雖九死而奚施軀若堪捐豈三
 思而後審下情無任

二

某步類壽陵文慙渙水登高能賦本乏材華獨立聞詩空
 遵詣道在蜀郡而惟希徇監沂河流而未及龍門常嘆美
 玉在山但揚異彩更恐崇蘭被逕一作隔殊秦一作徒自沉
 埋誰能攀擷一旦彫於敏手佩以幽襟免使琳慙寧貽蕙
 歎潛震末路未有良期今乃受薦神州爭雄墨客空持硯
 席莫職津塗既而臨汝運租先逢謝尚丹陽傳教取一作散
 覓張憑輝華居何準之前名第在冉耕之列俄生藻繡便
 出泥沙誰言獻輅車軫先期畢命猶懼吹芋一作樂府未稱知
 音儻更念毛輜終思翼長贖彼在途之厄仍遺生芻脫於

鳴坂之勞兼貽半菽平生企望終始依投不任感恩干冒
之至

上社舍人啓

前人

某聞物乘其勢則晷紀畫塗王褒傳忽若慧已畫塗英華訛慧已作晷紀才矣

於時則荷戈入棘必由賢達之門乃是坦夷之逕是以陸

機行止惟繫張華孔閭文章先投謝眺遂得名高洛下價

重江南惟彼歸美同於拾芥其弱齡有志中歲多虞模孝

綽之辭方成牋奏竊伸任之論始解言談猶恨日用殊多

天機素少揆牛涔於巨浸持蟻垤於維嵩曾是自強雅非

知量李郢秀奉揚仁旨竊味昌言豈知沈約扇中猶題拙

句孫賓車上欲引凡姿進不自期榮非始望今者末塗詔

悵羈宦蕭條陋容湏託於媒揚沉涸宜蠲於醫緩亦嘗懷

鉛信史鼓篋遺文頗知甄藻之規粗達顯微之趣儻使閣

一作中撰述試傳名臣樓上妍蚩暫陪諸隸微廻木鐸便

是雲梯散露誠情輒干牆仞

上吏部韓郎中啓

前人

某識異旁通才無上伎幸傳丕訓免墜清芬衡輓相逢方

悲下路弦弧未審可異前朝郭翻無建業先疇稽紹有榮

陽舊宅故人爲累僅得猪肝薄伎所存殆成鷄肋分陰屢

轉尺涕難收仲宣之爲客不休諸葛之娶妻怕早居惟數

畝不足棲遲智効一官靡能沾沃荒涼散社流寓窮途高

堂之獲社難充下澤之津蹊可見竊以棄商懷舊尚動深

仁投釣言情猶牽未契敢將幽懇來問平衡昇平相公簡
翰為榮巾箱求秘頗垂敦獎未至陵夷儻蒙一話姓名試
令區處分鐵官之瑣吏厠鹽醬之常僚則亦不犯脂膏免
藏縑素豈惟窮猿得木涸鮒投全然後幽獨有歸未託山
濤之分赤蟻疑作赤蟻無耻免干程曉之門進退彷徨不知所
喻

校口一百字

十一月初九日

文苑英華卷第六百六十二

文苑英華卷第六百六十三

啓十三

投知六

投前夏口常尚書啓一首

投禮部鄭員外啓一首 投永寧李相公啓一首

投湖南王大夫啓一首 謝崔舍人啓一首

投湖南于常侍啓一首 謝大理薛卿啓一首

投秘監常尚書啓一首 上太常房博士啓一首

投鹽鐵裴郎中啓一首 投蘄州裴員外啓一首

投同州楊尚書啓一首 河中辭令狐相公啓一首

投鄭尚書啓一首

投前夏口常尚書啓

羅隱

某啓某今月二日輒以近文一通上憑閣侍辭遣既久僭越是虞勒蹇步以戴恩捨醫門而奚適伏念隨計渚宮之明求聞漢浦之年王儉望高芙蓉比幕陳琳筆律瑋瑁爲簪因務窺豹之能遂竊登龍之譽習池侍讌峴嶺從游許之以向者爲文頗勝張詡戒之以偶然成事恐似李滂其後歲月煎熬輪蹄頑禿僅逾十上幸免一鳴角羸而只有困時矢盡而未知降處問者尚書理兵夏汭栽柳武昌文聘江山粗資吟玩費禘欄檻聊奉登臨某此時嘗駐征枕仰趨畫戟方知叩洪鍾而待教指墜履以明恩而疾恙所牽依投不暇伏枕而初慙數蹇揚帆而竟歎途窮今則頽水政成旋爲故事中台位缺已副急徵風雲將騁於康衢神鬼肯論於宣室輒預提勃筵先立丘壙雖哲匠掄材固湏良木而洪鍾許叩豈獨兼金謹啓

投禮部鄭員外啓

前人

某啓某前月十八日輒以所薦惡文上干嚴重尋嬰疾劣遂曠門墻伏以皎鏡無私雖容屢照醫門多病應倦施功忍隨翔鳥之姿更望不龜之術某滄州捨釣紫陌迷塵徒欲信書不能知命道薄而魚腮易曝計疎而鳧脛難加所以寧戚叩歌不惟長夜魏舒對策近至中年卅霄無獨上之期雙鬢有相輕之色而員外芝田養秀桂苑擢華口裏雌黃旋成典故座中薤白早避風流敢因誘善之初仰冀嚙枯之便儻一掬華陰之士聊拭蘇文則數升漢唐作斗涇水

之泥水依清濟謹啓

投永寧李相公啓

前人

某啓某去今月三十日獲遂起居伏以黃閣尊崇雖容展敬白衣卑賤不敢興言今則輒於隕穫之間聊舉證明之事晉代則司空試劍漢朝則丞相問牛彼或以頑滯幽姿或以瘦鴛下乘猶能動搖至化感達深仁而况生稟五常早知恩義跡居十等不至輿臺伏思癸卯年中維揚城畔謝傳裂土疆之日羊公分節制之時珠履瑋簪朝盈望府鷄香豸角暮出行臺轉輸則萬井魚鹽統御則九州侯伯當時務重難之際是籌謀閑暇之初南國佳辰長聞賦詠東山勝賞屢見篇題爲教化之笙鏞作經綸之彩繪所以

漢陽計吏得詣軍門厭次狂生叨蒙客禮憫之以轉蓬之質安之以負米之心進趨獲奉於麾幢俸入仍資於甘旨其後何武捧詔平陽趣裝叅佐廨中方虞浪跡新城隍下忽受溫言嗟其未了之身勉以難遷之性且憐色目猶可發揚某是以不揣狂愚重萌躁妄出則祝趙衰之日未冀流暄入則禱傳說之星惟希借耀今者風雨得生成之候鑪鎚升鼓鑄之司郭令軍前潛抽妓樂崔寧城外暗毀池臺登庸之次序未遙反旆之鏃基已兆若某者族惟單緒藝即中流旋以佩服殊私緘藏厚旨假昆蟲而稟信指簪履一作履以輸懷竊以浪逼龍津風催律管魚皆五色禽必九苞揚錦鬢彩羽之姿俟啓蟄吹葭之便獨某行迷要路

坐守窮株九品班資略非親舊六街車馬莫接聲塵捫心
而一寸寒灰泣淚而萬行清血良時易失司馬遷猶是再
三知己難逢越石父於焉感激相公儻或俯迴衡柄曲賜
褒稱雖朽蠹不凋則推常理而孤寒無命祇繫洪鈞謹啓

投湖南王大夫啓

前人

某啓某聞元亮苦貧姑求彭澤戴顓多病遂乞海虞苟物
役之是牽亦人情而斯見某族惟卑賤品在下中三篋亡
書幸無漏略一枝仙桂嘗欲覬覦十年慟哭於秦庭八舉
摧風於宋野近者以調其軫慮負米嬰心毛義前賢尚猶
奉傲鯁生何者焉可守株勒氣馬以徐廻解藩羊而適願
前使常侍邊憐此志遂以奏官藉俸入於衡陽專表章於
使府雖元輸書記不足愈風而虜士衣裘未嘗換雪斯亦
冤鳥尚思於銜石愚公猶銳於移山尋遇大夫輟夢軒宮
吹暄楚嶠手中扇在何必袁宏天上才高寧惟公輔間者
龍門掌貢馬帳搜遺泉客號咷只憂寶盡地靈惆悵不覺
山空而某適限徐兵遠留吳會不得少將鱗鬣側望風雷
指函谷以馳誠遙知氣紫上蘇臺而送目空羨河清今者
輒奉危心來干畫戟大夫或俯迴趙印下照一作照韓灰
更於茶藥之中重假勾留之便所冀猶縻祿食遠救朝昏
跡稍免於屢空心尚期於妄動百生可卜式占郭泰之龜
一字爲褒全繫宣尼之筆謹啓

謝崔舍人啓

前人

某啓其鏤冰伎短緣木計疎去年舍人俯念窮迷猥垂慰
薦竟以梁危易折氣俗難醫負塵尾之高譚困龍津之駭
浪雖懷感激長抱憂慙今月八日見某官伏知德水迴波
重霑涸鮒靈丹減粒已救傷蛇當谷鷲刷羽之秋是海鷺
窺梁之日豈謂舍人未容祈禱遽賜保明樹立孤株栽培
弱蔓跪聽而淚霑膏臆仰承而背負丘山而况俗漸輕訛
時交勢利或朝遊夕處或貴族華宗至於取事之時與能
之際猶須必成桃李方許扶持若某者跡未及蕭階一作齊
陳榻之嚴目未覩巢閣栖梧之瑞門寒於光逸命薄於黔
婁縱饒委曲所私其奈纖毫無取必舍人知其殺青廢業
二紀于茲垂白倚門一生顛望乃施陰德以慰歸心言念
徘徊不知所處謹啓

投湖南于常侍啓

前人

某啓某聞淮王鍊跡於真仙含靈盡去鄒從移暄於寒谷
衆卉皆芳豈羽毛可從於霓旌豈凋枿盡關於葭律蓋以
至道無遺於一物殊私必及於群生某嘗佩斯言請陳冊
懇問者豹藏不穩魚躍無成浼山谷啓事之書累王衍雌
黃之口捫天莫及跼地興慙向浮世以傷懷拊勞生而自
喟光陰不駐齒髮漸高當家貧親老之時是失一作岐路亡
羊之日淚將欲盡口不敢開直以非漢代之簪裾困晉朝
之流品物彙雖逃於芻狗孤寒竟陷於蟲沙所以仰蟾桂
之高高恐無仙骨覩魚鬣之歛歛忽有癡心竊希常侍從

來許與之言作此改張之計俾其七郡與奏一官致之於
髯叅短薄之間責之以駑馬鉛刀之用所冀內資骨肉外
罄筋骸但繫受恩何須及第必若終憐薄伎尚憫前途則
科號三篇判稱六部第早嘗留意頗亦偪人將今晨禱祝之
詞爲異日覬覦之路情雖可恕僭亦堪誅對膠柱以軫懷
願溱身而在此謹啓

謝大理薛卿啓

前人

某啓某聞宋濟之困名場空餘坦率唐衢之昇軍宴但益
號咷斯人以當年不偶於良知晚歲遂成其永恨况某早
將此事以戒前車至願蹉跎年光老大向秦庭而屢泣抱
楚足以頻傷中間輒以所著讒書上干閣吏近見某官伏
知閣下爰哀弱植俯降深仁迴日月於壺中展方書於肘
後欲使徐甲之疑必起蔡經之骨重生仰嘉音而肯若負
山承厚旨而身知有翼既容託迹竊敢興言某動不知機
進惟招敗忌王隱之名者虞預暴蘇秦之過者張儀群居
不出一言彼則謂某矜才傲物痛飲不逾三爵彼則謂某
恃酒凌人何爭名競利之場有蠹節食苗之類苟非令君
側耳於車上中即注目於亭間則隨趙軛以長鳴與吳楛
而共朽者也謹啓

投秘監常尚書啓

前人

某啓某月日以所著讒書一通寓于閣吏退量僭越伏積
憂惶某聞樊子昭之處屠活發光輝於許劭本傳有郭林

宗之游鞏洛振聲價於符融其後物態乖訛風流委敗下有白媒之誚上無相汲之由某由是反袂興懷捫心注恨又安得不屬耳於輿人之論傾懷於長者之談而尚書以盛名鎮乎當時以盛德傳乎奕世不赧起於闕茸不浮泛於姦回動則致聖主而活蒼生以爲已任靜則導冲襟而養和氣以守家聲恭惟大朝屬在吾道若某者燎薪就學擲楮攻文一則以神氣低凡不足動王侯之瞻視一則以家門寒賤不足辱卿相之搜揚十年索米於京都六舉隨波而上下永言浮世堪比多歧所以覽稽叔夜之書則伏膺戶外讀張季鷹之傳則大嚼窓間長恐一旦月桂情衰江瀕思起不得揖交國山庭之相不得窺漢朝王佐之才是以重拂塵衣聊希藻鑒儻尚書以孺子可教則隨洛下之書生儻尚書以斯人若狂則訪江東之釣叟靈著袖蔡惟禱所從謹啓

上太常房博士啓

前人

某啓某前月二十五日以所著讒書一通上獻近見某官某乙伏承博士曲垂題品俯及孤危某聞孫陽以一顧之恩騏驥不爲駑馬宣父以一言之重夷齊不作餓夫苟吾道之末忘諒斯人而何遠某也藝薪就學闕市成功偶不自量因思妄動捨五湖之高蹈事九陌之窮遊一作途爲良工不度之才爲要路不容之物所以稽康奏樂忿魑魅以爭光劉子營生柰鬼神之相笑那官不幸一至於斯恭惟

咸通之初大中之末故荆南余正字以博士爲軒鏡庖刀
今渭北徐端公以博士爲靈著神蔡但言薄伎合在殊私
其後某則困躓於龍津博士則徊翔於鴛侶雖心祈目禱
不忘斯湏而天上人間憑何訊問寧知此日屬在明思疑作
恩豈一旅人之遭遇有時而二作者之語言斯中未爲負
荷適足憂慙况復風訛俗敗之初轍亂旗奔之際講學則
衛刀削樹論文則羸火燒人家無相保之心處處有自
媒之口而博士獨持大旆高坐危城招旣散之師徒復已
亡之土地顧茲隆替尤屬尊嚴某也雖賦命以多奇或因
人而成事願將所贊以賀明時謹啓

投塩鐵裴卽人啓

前人

某啓某聞大道五千所制者莫先於躁浮生七十所傷者
莫甚於情某所以反袂興嗟一作懷支頤浩嘆顧兩端而若
是持萬緒以奚歸爰念韶年卽偕時輩胷中馬駿握內地
靈入公孫龍之關不惟逞辯叱東方朔之御且欲獻書其
後獲落單門蹉跎薄命路窮鬼謁天奪人謀營生則飽少
於饑求試則落多於上東經海嶠受下館於諸侯西出劍
門泣危途於丞相光景但銷於杯杓貨財不入於橐裝傳
書而黃耳增勞久客而黑貂兼弊間者卽中丹青演潤咳
唾成音薦光逸之材以地寒爲累舉仲宣之賦以體弱見
遺旣興奔北之懷因指在東之念江夏則鋪名池口毗陵
則堰號銅墩皆有主張以生塩米卽中儻或言泉晚浹未

忘洵灑之功譚柄時廻別借牙齒之助一作俾得內資柔
滑外救困窮然後驅淮陽入趙之師更謀背水整秦將渡
河之卒重議焚舟目禱心祈言任意迫其餘罪戾不敢追
逃謹啓

投蘄州裴員外啓

前人

某啓某月六日輒以着讒書一通貢於客次遂歸逆旅載
軫危途必恐負外以其姓氏卑寒精神鈍滯汨在衆人之
下遺於繁務之中某懷壁經穿壯年見志仲舒卷身何啻
三年安世補亡寧惟一篋其後因從計吏遂混時人憤龍
尾以不焦念魚腮之屢曝稽康骨俗徒矜養生之能李廣
數奇豈是用兵之罪事往難問天高不言去年牽迫旨其
晉連江徼雖傷弓之鳥誠則惡弦食薑之蟲未能忘苦所
以遠辭蝸舍來謁龍門忝谷棠陰方諧志願荷衣蕙帶不
奈風霜負所業以長嗟向良工而有謂昔也松苗各性已
知難進之由今則火木相生未測自焚之理謹啓

投同州楊尚書啓

前人

某啓某聞足歷屠門尚能大嚼力疲吳坂亦解長鳴而况
覩棠陰教化之原入黍谷暄和之景苟不能自提由瑟直
犯丘牆則其人生爲無益之徒死作無知之鬼某譙鄉賤
族釣瀨遺珉鉅下二卿索非朋執於陵一叟或與交游偶
然蒙郭泰之言歛爾厲蘇秦之志遂得麥漂風雨門長蒿
萊旋慕題橋因吟入洛三秋旅寓身居計吏之先萬里徒

行家匪大夫之後孰謂九街浪濶雙關雲浮姜維之膽有
破時李陽之拳無下處由是潛傷鮒轍暗泣牛衣賈誼長
纓雖猶自運張儀健舌亦擬何為前窺而四海清平內顧
而一身流落輒復排徊鄭驛睥睨秦醫敢言盡虎之勤但
有傷蛇之望謹啓

河中辭令狐相公啓

前人

某啓某聞歌者不繫聲音惟思中節言者不期枝葉所貴
達情苟抑揚之理或差則流一作荒誣之辭亦棄而况委病

鵲門之下

一作外

窺光龍燭之前上方於趙臺

若用後漢趙岐字卿臺

曹操孔融舉辟事則當如字或疑作壹蓋臺壹字相近亦有羊陟表逢稱薦爾遭逢下比於陸機
榮顯雖侔儻不侔於二子而輝草敢讓於伊人今則住喻

負嶽之蛟去切戀軒之馬輒復重將越調更唱燕臺以為

京兆王章三冬有浹淮陰韓信一飯無門惟憂委骨窮塵

敢望橫戈要路加以輕蹄逸軌猶析公子王孫同窺萬頃

波瀾各有一時顏色而某短袖難舞危條易風禱祠則天

或未從號泣則人皆不弔由是飾裝增歛攬策興嗟指策

戟以凝神望鑑鎚之借便雖琳琅杞梓盡歸梁棟之間而

藻荇蘋蘩亦戀池亭之內殷函軫念劉紙懸緘無言誓天

有死銘德

投鄭尚書啓

前人

某啓某前月某日輒以所為讒書一通貢于客次尚書俯
憐羈旅遽賜霑濡既受厚恩則宜前去然而疆境有牽於

感慨風烟或軫於追思所以公子亭邊重嗟懦氣候羸關
畔再轉危腸何昔時有殉義之人而今日無死恩之士輒
復更彈馮鋏上指膺門某也江左孤根關中滯氣強學早
亡其皮骨趨時又困於風塵福星不照於命宮旅火但焚
其生計徘徊末路惆悵危途覽八行之詔書空仰聖人在
上詠吾言之章句未知游子何之興言而幾至銷魂至袂
而自然流涕尚書蘊稷契臯夔之事業負卿軻遷固之文
章入則藻鏡冰壺品量人物出則油幢瑞節控御山河固
已藏雷於伺蟄之時待夢於驅羊之際苟有一物未登其
所一夫不遂其懷亦宜上下聰明旁搖憫惻儻或王衍之
雌黃借潤仲尼之日月迴光則其人也三千里之別離免

為厚薄十五年之勤苦未有所歸發自門闌百生知感謹
啓

校四四十九字

十一月十一日

文苑英華卷第六百六十三

文苑英華卷第六百六十四

啓十四

投知七

投顧端公啓一首

代人上路相公啓一首

投戶部裴郎中啓一首

投殿院常侍御啓一首

投戶部鄭員外啓一首

投翰林劉學士啓二首

投西邊節度使啓一首

投刑部趙郎中啓一首

投陸侍御啓一首

上池州衛郎中啓一首

上池州庾員外啓一首

上翰林劉侍郎啓一首

上鹽鐵路綱判官啓一首

上左司袁郎中啓一首

投顧端公啓

顧雲

陸衛二啓上下
互倒

其啓其聞三吳詞苑不乏家聲兩晉儒林非無祖德洎風
流寢薄簪紱漸稀將闡吾宗獨付全德不依華宇更託何
門其遠派涓流寒林一葉學由耕石才實鏤冰爰自隨計
遐方觀光上國難沽聲價易掇羈愁出谷風高先摧弱羽
登門浪急預返窮鱗伏念一擲魚竿四環星管華髮灑倚
門之淚遠書開隔歲之緘而又曾棄關繻空歸未得已隨
律柱捨此何之今則漸偪春期將臨試藝鸞弧乏勇聊鵠
增憂伏以端公三翁德服儒流言爲詰訓莢枯有術肉骨
多方儻蒙少借餘波微迴誕說當見長房之竹亦可爲龍
則知莊叟之魚終能化羽輕瀆尊聽伏積憂惶延望音塵
不勝翹企

代人上路相公啓

前人

其啓其本具仙材又非良器叨因射策偶忝決科始脫麻
衣纔沾斗粟方期清慎稍竊寵榮無何不善攝生遽沈痼
疾懸地結釁一作疹聞蟻成災針石屢加駑一作衰羸無減並

相如患渴雖覺有瘳比玄晏病風猶稀可療實以彌年伏
枕終日閉關嬰幼素多鱣餽莫給腸燃烈火鬢染繁霜分
無榮達之由敢望陶鎔之力家室以幸連姻戚合候起居
伏蒙特軫襟靈深垂顧問咨嗟生業憫惻羈危許以轉銜
致諸外府側聆嘉命寂聽好音扶策病躬開張淚目仰希
尊旨如釋沉疴拜賜猶賒銜恩欲泣望朱門而尚遠銘冊
憚以先深必也果踐玉音不移金諾資糧有羨藥餌無虞

然後訪三世之名醫求千金之顯效獲離枕席并服冠纓
維此昇沉實繫恩德困而待問希同喘路之牛誓此酬恩
願比棲囊之雀謹專奉啓起居陳謝

投戶部裴德符即中啓

前人

某啓某聞放龜者無心覓印養雀者微意求環蓋由仁發
于誠惠加於物因懷感激遂効禱祥若某者沫沼末期傷
弦有日仰恩波而尚遠指雲路而猶賒欲望生成猶希憫
惻實以才非辨鵲道異猶龍四海投知希逢厚遇二年求
試未遇先場撫螢窓而便欲灰心對鷲花而徒傷淚日加
以秦吳路阻烟水程遙其滑多遠問安常闕中霄夢到星
漢俄沉萬里書迴槐檀遽改而又偶師題柱竊學棄繻期
未達而不還亦捨此而何適伏以曾將薄伎叨忝殊私儻
蒙尚憫枯鱗猶傷塌翼纔霑末薦便是深思縱不能生報
田文亦可以死酬宣子傾心企望瀝壘依投圓蓋低臨方
輿上載苟違斯語請告神明謹啓

投殿院常侍御啓

前人

某啓其聞干時妄動君子不爲小智大謀一作智兵家所

忌進憂狂狷退耻敗亡詳觀躁靜之機爰一作契軍戎之

事聊因牋簡假喻師徒冀憑殷氏之函用代秦庭之泣某

名同膠柱用等鉛刀不思量力而行竊欲爭鋒而進洎焚

舟學海決戰名場忠一作甲不堅心城匪固兩經先榜但

俱一作潰楚師再犯終場亦班齊騎雄鋒缺落銳志消磨執

金鼓以無因送降旗而不暇李陵矢盡項籍兵窮歸漢懷
慙還吳失計所以重嗟懦氣再奮空拳欲罷不能既蘇復
上將欲戒嚴文陣蹂躪議圖贖孟明奔命之辜雪曹沫敗
軍之辱而我師甚寡彼敵尚強未暇爭衡空憂失律持疑
不進掉鞅難前先懷納款之誠欲有乞師之志伏以待御
身弓落鴈心劍刺犀儒囿中軍翰林盟主揮五色筆為諸
侯師出奇於文苑之中二南銜璧決勝於粉闈之內七子
輿棺儻蒙益以奇兵濟之餘勇旁麾義櫓遠借雲梯使武
庫戈矛皆為我旅文山草木盡作王師苟無必勝之功其
受後期之責塵浼清聽一作德伏積憂惶謹啓

授戶部鄭員外啓

前人

某啓某聞柳文暢之遇王融初因雅韻劉嗣芳之逢沈約
實自片辭或兩句可嘉或一篇堪獎則題於團扇寫在郊
居遂使西邸流芳南朝溢美時名愈大紙價彌高今也故
事具存清風盡在每因投卷竊賀伊人雖有負於斯文幸
遭逢其至鑒若某者學殊半豹藝愧全牛慙無經濟之文
空有悲哀之賦投竿魚浦遙跡龍津無一時暫廢討論無
一日敢忘索課誠不足揄揚大政感動知音比於雕蟲一作
蟲為文鳥跡一作蹤成字雖無關至理亦粗有可觀輒敢編
錄荒蕪輕塵裁鑿禽中一鷄冀文舉之明知嶽底雙龍庶
茂先之必識儻或冰壺借潤水鏡分光如其積玉之名示
以鑑金之譽一日三復非敢望於休文拂席易衣竊有期

於謝混仲尼墻峻元禮門深非因咫尺之書難寫依投之
懇絃哀柱促言切詞繁先其妄進之嗤然一作後受自媒之
責干紀明一作名德伏積兢慙謹啓

投翰林劉學士啓

前人

某啓某聞鄭玄之謁馬融不知不去趙壹之干羊陟未遇
未休或三年常在於門庭或一日再經其牆仍蓋以此時
儒學無出於馬公一作融非當世文儒不先於羊子今所以重

桴靈鼓復扣洪鐘者實存於此也某問

一作開

不知三書推

闕五未能窺豹強欲知龍洎投棄綸竿依憑細帙從由巴
於稷下謁楊震於關西三篋之書粗知篇目一枚墜簡微
識指歸栖遲雖甚於蘇秦勤苦近同於甯越時或嚴霜屆

節脫葉辭枝曲突無烟幽窓有雪飛文月殿欲擬謝莊染
翰蘭臺思齊宋玉實以鈍踰麗紈魯極魯曾參三犯龍門屢
奔鯨浪玄珠難得空迷罔象之津大道多岐頻灑亡羊之
泣輒塵藻鑿叨獻菲辭竊自朋游或聞推許潘生摘錦巧
借丹青謝氏碎金猥加流品亦復願披仙霧頻扣朱門冀
遂望塵不期倒屣今則藩牴類窘暮燕同危正當羸角之
時未識安巢之計輒披肝膽一作膈來訴融明伏以學士辨
敵飛龜才雄白鳳監同止水公甚平衡潤菁藻於詞林薤
榛蕪於義路講理則絲繩讓直發言則山嶽慙輕儻假以
風雲賜之慰薦奏揚雄於漢殿始郭槐於燕臺願借吹噓
豈無裨助至於斬衣異命顧印酬恩夜盜狐裘曉開魚鱗

凡於死所請以身先干犯清嚴無任殞越謹啓

又謝下第後使人存問啓

前人

某啓某聞收燼枝於烈焰必假良知出埋刃於重泉當資
至鑒苟非精識孰測神功盖由六律五音固應難審靈鋒
寶鏐或未易知某不善守株妄脩通刺爰從前歲秋杪去
年冬初累貢菲詞上干藻鑑實以仙凡阻越流品懸殊天
上程遙人間信斷在塵寰而祝望空有精誠向雲路以存
思寧通夢想近者以龍門阻浪罵谷摧枝鱗鬣傷殘羽翰
零落懷鄉莊舄正苦越吟去國鐘儀方悲楚奏誰言否極
忽有泰來前日某官委訪窮居曲傳芳訊側聆尊旨跪聽
玉音竊聞俯降咨嗟深垂憫惻初疑夢覺終謂風傳方當
退鷓之時忽得攀龍之便伏以學士優游仙苑一作禁泛沫
天潢覆錦高眠八花磚而讓寵含香視草五色筆以一作而
慙神况鏤鼎思調前籌待運起骸有術肉骨多方儻蒙列
在衆賓致之下舍曉彈長鈇不空効其歌魚夜取珍裘竊
欲偕於徇盜下情無任攀望依託感激之至謹啓

投西邊節度使啓

前人

某啓某聞天列將星國分戎律必命英傑以專統臨故入
則掌驍衛而主親兵爲王心膺出則驅隼旗而駕熊軾分
國土田苟非敵號萬人謀通七德孰副擁旌之選仍當注
意之求伏以尚書勇冠山西聲聞隴右九天九地之法夜
受於神妹金箱金櫃之書曉傳於靈叟故得拔劔龍吼鸞

孤鴈驚使夷落無喧干戈盡偃邊烽息焰寒折沉聲為天
 子之長城斷匈奴之右臂加以文通三變學洞九流郭璞
 神毫每通於夢想羅含彩羽素貯於心誠時或月滿青樓
 風清畫閣謝玄暉之理郡不廢謳吟杜元凱之禦戎何妨
 講讀誦而又政惟師古恩切字人利刃一揮亂繩皆理佇見
 鳳銜仙詔豹製牙旗長驅十乘之驍雄福致一方之黎庶
 遐瞻寵渥不越秋冬某稷下儒生天涯客子遠攜書劍來
 拜旆旗識馬援之鬚眉見太初之禮樂頻叨前席屢聽玄
 談憂一夫不濟其生耻一物不登其所義形顏色煦一作照疑
 避發襟靈因敢覩縷血誠輕塵藻鑑必希恩察少賜知憐
 某射鵠無功亡羊有恨婁敬之衣裘屢弊張儀之頰舌何
 為至於草織衡門雪封陋巷蛙鳴竈底魚躍釜中然猶講
 樹未休書筠不已潛脩此道以俟一作候明時春初將謁朱
 門卜行上國著言利見龜告叶從徑趨沙漠而來直指旌
 旗之下盡披肝膈布在殘毫事逼丹誠言多直致志一作心
 同鄰女止希蘇代之餘光身類鮒魚惟冀莊周之一勺干
 犯清重無任兢惶謹啓

投刑部趙郎中啓

前人

某啓某聞弱水渺瀰匪風輪而不濟丹丘懸一作綿邈微羽
 駕而何之苟非玄化之功寧造長生之境其有本無靈氣
 復異仙材徒勤九轉之功未識三清之路侍立於葛洪陂
 上願附龍鱗徘徊於緱氏山前思隨鶴馭敢傾丹赤盡寄

文苑英華 卷一百一十五 雜著
賤毫扣德操之鼓鐘其聞音響仰劉琨之山海庶觀高深
或覲憐憫少加陔省某勾吳寒族鄒魯庸儒偶効殺青因
思拾紫捨獨蘭文竿之樂預橫經染翰之游一別楚山四
凋秦葉進惟角觸一作退則羈樓望化羽之期烏頭詎白
困龍門之險魚尾將頽近者輒以荒蕪上千裁鑒寶慙小
道不副至公或自朋游竊聆風旨潘江陸海曲借品流繡
段金聲仍加綠飾今則將臨筆陣漸逼掄材既乏先容惟
憂點額絃哀柱促風勁葉危輒寫丹誠仰塵清鑒儻蒙特
分餘潤微假末光枵枿生蕘寒灰發焰纒沾慰薦便是輝
華酬恩豈止於捐軀効德願同於異類迴眸顧印庶竊比
龜靈四代五公請先於雀報

投陸侍御啓

前人

某啓某聞河南器賈本爲能文紀一作北推袁曾因善賦
或以年將弱冠或以才越衆流繇是援自後生實諸前席
高擅洛陽之價雄專倚馬之名故能爲文苑之美譚作儒
家之盛觀若某年將逾誼才不及宏論乏過秦詩殊詠史
徒脩通刺莫偶深知加以故國三千青霄九萬但抱羈離
之苦畧無鴛鴦之期陶元亮之揮毫只思歸去庾子山之
染翰空有悲哀近者不自揣量輒懷狂狷累緘巴唱來叩
郢門螢近燭龍敢言芒耀鷄親威鳳方耻羽儀近自朋游
竊聆風旨每承譚論常借丹青免貽覆甕之譏叨枉擲金
之譽此皆情深誘掖意在維持迂洛下之名華徑客攀附

記吳中之氏族常在接聯令申孔李之交許入原嘗之舍
且知逢晏子屈則宜伸媒遇蹇備醜而思嫁所以更傾幽
抱來訴融襟宋玉雄風必加吹照謝莊明月終借光輝獲
居七士之間便是百生之忝干犯清德伏積憂惶謹啓

上池州衛郎中啓

前人

某啓某聞哲匠搜材不遺於榱桷至公選士無間於蒿萊
苟求其文行高明豈計其人材仄陋故王襄之臨益部首
薦郡人杜蜜之理太山先推縣吏咸齒公侯之爵秩爵爲
文學之宗師若某者早寓樂郊實爲編籍數間瑩牖猶存
於去獸江邊一葉漁舟尚繫於還珠岸下頃者不量名分
學翫縑紉足履春闈肩隨貢士爭先路狹角力材微伏膺

於孔硯江毫終愧於秦

一作楚

鷄遼豕加以中臺千里丹禁

九重空吟招隱之詩誰買長門之賦寒同冰子久迷温煖
之途窮類偶人更軫漂流之歎伏念自隨鄉薦便託門墻
每以蕪詞常干藻鑑必謂秉持刀尺流品生徒豈期來暮
興歌亂繩思理旋提郡竹俄擲省蘭寧知出刺之邦又是
維桑之地伏以郎中含香望重覆錦才高輟自南宮出臨
偏郡池魚官牘旣濟於公私綸閣瑣闈已形於魚矚某近
得弟霄狀報竊知曲敦獎勸俯念孱微深嘉甯越之辛勤
仍憫酈生之落魄大垂恩煦下蔭宗親兒童知激勵之風
骨肉感饘餼之賜伏以秦吳阻隔江嶺索廻不獲奔徒階
庭拜陳感激隨車在御空懷軼下之熊無翼陵虛更羨旗

邊之集

上池州庾員外啓

前人

某聞陳太守之獎善先自郡人鄭司農之受知始從鄉佐
欲使恩隆薄俗化起儒門年代雖遷風流常在某者樵蘇
賤品桑梓遺民識味機先智惟人下陳於器用則魏瓠興
譏列在宮商則齊竽致詣徒以幼知經訓長辨義方偶近
縑緗遂捐耕釣披經閱史無怠於光陰雪牖螢窓每叨於
懸刺至於論都叙別歎逝悲秋假烏有以交談擬子虛而
發論偶以書筠得句聊因起草成篇陸海鄆江亦常聞慮
宋風謝月素所營心縱不及於前脩時見推於同輩爰自
束書辭楚懷刺遊秦求試春官升名貢士投暗而終多艱
齟乘機而本乏梯媒繞犯龍津旋悲鷓退且挑花浪峻難
前短鬣織鱗蘋葉風高預返踈翎弱羽雖匡衡遊宦未及
十年而卞氏傷嗟俄經再別廻翔輦下求索關中橫戈而
未忍先降掉鞅而猶思更戰竊念秦舟已藝敵在不還蜀
柱曾題途窮未返而又戀深陟岵悲重倚門父子棲遲鄉
閭共笑蘇秦羈旅骨肉相疑儻蒙特降文符稍存麻底纔
聞顧盼便是恩榮使魯鄰知敬孔丘楚市不陵韓信謝郎
中端楚公皆曾投謁遂忝眷知近聞有使還家便令附狀
訴言名姓實辱獎憐非敢趨趨妄邀聲援

上翰林劉侍郎啓

前人

某聞皎鏡當懸無疲屢照華鐘在簷不阻頻鏗其有飾貌

前來橫庭直進思投即鑒願聽洪音孔室高深前遠仲由
之懇羊門峻阻難傳趙壹之懷所以載託牋毫用為紹介
某吳門釣者闕里儒徒捨詹何獨繭之綸學羊子雕蟲之
技慕顓孫之干祿効車子之聚螢西過許昌空吟景福東
游鄒魯欲擬靈光時或風入楚臺雪飛梁苑偶然成詠忽
爾盈篇是用歷韓鄭之門庭學楊衡之刺謁刻舟琢木未
擬迂踈鑿柄攻堅難方齟齬以致兩臨文陣俱挫筆鋒東
郭先生將逃濫吹步兵校尉欲泣窮途然亦默聽時謠頗
聞通論以為蔡中郎之未顧則竹葉柯亭張司空之見知
則劍辭圓室以時方濟會物有窮通湏因甄藻之時冀別
沉淪之所求諸作者不在他人是以某月日輒貢菲詞上

干英眇以侍郎學士作時儀鳳為國元龜學海波瀾常融
沉壑情由壘畝曾稔耕耘屬詞則麗藻恒春視草則文星
鎮動言能振蟄勢可燃灰儻蒙垂一顧之恩出陸沉之所
平生進退决在指縱干犯清嚴無任惶懼企望之至謹啓
上塩鐵路綱判官啓

某聞積塊為龍猶能致雨攻堅作鳥亦善因風此皆出自
巧心營於敏手被之鱗甲假以毛羽纔離土木之形便達
陰陽之理當其入用猶或濟時况某跡忝人曹名殊物類
瞻雲望畢粗識晦明指月看箕常知動息實以魯親筐篋
強學進趨人非冠玉之儀賦乏披砂之譽澗松遲茂隴葉
難芳重趨孟門再困先浪以至萍漂陸海蓬轉九衢犬子

生涯惟餘四壁揚雄家產不過十金猶然染翰自強草玄
無怠克已惟脩其直道潛心將候於已一作明知必有英賢
寧無濟會自叨將陋唱耳黷冲襟螢邇太陽敢言芒耀鮒
游滄海方愧眇微豈期俯側湮沉深垂汲引吐丹青於金
口誇姓字於同心榮耀既多鐫銘倍切今則俯臨文陣方
假詞鋒失水多虞傷弦易怯輒披肝肺更訴融明倘蒙少
借餘光微均美蔭庶使因風託便不謝於冥鴻假霧成斑
無慙於隱豹塵蹟清鑒無任攀望延佇憂懼之至謹啓

上右司袁郎中啓

前人

某聞仙翁逞術叱石爲羊方士呈能結巾成兜苟神靈之
必至亦變化而何難其有欲改前蹤浪憑異行微諸事

或可比倫如某者稷下庸儒吳中單緒爰從幼稚竊慕搏
鵬思積學以干時欲代耕而求祿俄拋釣舸遂履名場朝
無九品之親業有三餘之苦楊子雲之詞賦自愧雕蟲丁
敬禮之文章人嗤畫虎邊蓬易斷路樅難芳頻傷肅殺之
威未識陽和之力窮棲家遠旅宿衣單望鶴長踈懸鶉屢
弊况復吳波瀉淥秦嶽堆青懷橘莫從採蘭多阻天書一
去玄律方還蝶夢粉迴涼霄已艾恨淚泉湧愁腸火煎數
奇而只自傷身語苦而何人傾耳竊想曾披仙霧復拜仁
風煦以溫和借其光彩或終以陸沉與念再惻傷懷願假
雲雷偶蘇幽蟄豈可使鷄鳴函谷只羨馮諼龍躍天衢獨
傳文舉倘德鄰而義舍寧古有而今無遐想音微無任懇

文苑英華卷第六百六十四
迫遥瞻紫氣希傳尹喜之書更詣朱門重奉張湯之刺謹
啓

文苑英華卷第六百六十四

雜啓上

啓十五

答趙王啓一首

上門下裴相公啓一首

上白相公啓一首

上宰相啓一首

上魏州崔相公啓一首

上崔相公罷相啓一首

上前鄭滑周尚書啓一首

上前易定盧尚書啓一首

上中書李舍人啓一首

為崔從事寄尚書彭城公啓一首

上兵部相公啓一首

上時相啓一首

上河東公啓三首

端午日上所知劔并衣服啓二首

答趙王啓

庾信

某啓仰承張幕全韓連營上地澠池置陣解鄧禹之圍函
谷開關削王元之印鋒旗朝上刃斗夜鳴彌雄壯士之心
足起橫行之志况復才人出娉還得賢夫塞外有夫人之
城軍中有女子之氣都尉青旗即時春色將軍大樹已復
花開雲氣浮壘流星汎枕細舞長歌橫簫直笛當乎一作干

此時青雲之上信不學無術本分泥沉忽逢天造搜揚以
陋今者遂總憲司預聞刊鼎獻歲刑書既應懸法上春木
鐸方湏徇人但年髮已秋性靈久竭嘉石肺石無以測量
舌端鼻端惟知繁擁垂展一月遂涉兩年傾首東瞻山河
千里風塵未盡霜露沾衣仰願珍宜以為身寶謹啓

上門下裴相公啓

劉禹錫

某啓嚮

集作曩

者淮右逋誅即戎歲久天子齋戒以命元臣

登壇之日上略前定從九天而下縱以神兵分六符之光

拂集作掃

其長筴授鉞於西顛之半策勲於北陸之初功成

偃節復執大柄君臣相遇播於樂章山河啓封載在盟府
上方注意人益具瞻因魚水之叶符極夔龍之事業時屬

四始恩覃萬方致君及物其德兩大古先後賢所未備者
我從容而保之殆非人事抑有幽贊夫異同之論我以獨
見剖之文武之道我以全材統之崇高之位我以大功居
之造物之權我以虛心運之然持盈之術古所難也實在
陰施拯集作及物厚其德基以左右功庸而百祿是荷人所
欣戴久而愈集作逾宜昔袁一作太尉不忍錮人而楚獄衰息
一言之慶而子孫丕承以今日將明之材行前脩博施之
義筆端膚寸澤及九垓猶夫疾耕必有滯穗某頃墮集作墜
危厄常受厚恩誼盟於心要之自効常懼廢死荒服未孤
願言敢因賀牋一寄丹懇顧非竒理不足以縈于冲襟然
利於行者固在乎常談而卓詭孤特之言未必利於行也
伏惟以愚言與賢者參之謹啓

上白相公啓

杜牧

某啓伏惟相公上佐聖主獨專魁柄封殖良善脩整紀綱
練群臣謹百職考功績覈名實大張公室盡閉私門盛德
大功直筆實光於簡冊清節細行祝史不愧於神明天下
望之爲準繩朝廷倚之爲依據畢公克勤小物周公煥發
大猷丙吉陋按吏於公庭表安不錮人於聖代衛將軍有
常揖之客張子孺無謝恩之人吉甫率由舊章魏相能明
故事房杜不以求備取人不以已長格物姚梁公先有司
脩舊法下位各得言其志百司各得盡其材求於古人之
賢皆集相公之德如以尺量刀解粉布墨畫小大銖黍九

角尖缺各盡其分皆當其任是以庶人不議鄉校無言天下欣欣若更生者自此黃髮之老待哺之子不見兵戈不離抱撫清廟之祭四夷來助蒼生之願百志皆成顛顛萬方實懸斯望某遠守僻左無因起居但採風謠亦能歌詠無任攀戀激切之至謹啓

上宰相啓

薛逢

伏以玉燭開年金儀應曆軒律風煖羲輪馭遲草木以之萌芽禽魚以之翔泳伏以相公化弘動植道洽雍熙吹噓必自於幽深喧潤不遺於枯槁如某兀如枯木性若寒灰沐和風而莫振柯條應陽管而總知動息伏惟相公模於心匠待以天成鼓鑄賢愚區分貴賤動用陰陽之炭開張天地之鑪量其小者則爲盎爲盂舉其重者則成鍾成鼎苟圓方式序幽陋不遺及茲發生俾遂春氣生死甚幸

上號州崔相公啓

前人

相公河嶽鍾靈芝蘭蘊德頃因直道常中佞人阻絕九重播遷萬里無非中正發言而天地鑒知不負神明冒險而靈祇補助所以恬和自得寢膳長安雖經夷貊之長途不爍江山之沴氣皇天眷祐於焉有徵伏惟相公道濟中興仁歸厚德即當重開鑑冶再設權衡俾器用各適圓方錯銖不失輕重天下幸甚逢此時或因陶鑄得叙宗彝佇從長養之時復覩昇平之代自相公歸官號略尋欲附狀起居伏以革吏卑微不敢輕肆塵黷昨者從孫薛誠過此令

文苑英華 卷一百一十五
候方便咨達姓名瑣瑣形骸或希記憶謹啓

上崔相公罷相啓

前人

某聞川梁壅而舟楫施禾黍登而霖雨霽天地常數古今
共然伏惟相公理達卷舒用明進退調陰陽以成歲受功
於天執謙讓以歸仁弘道於已所謂進退惟正卷舒適時
某每念庸虛常蒙匠化當幽滯之求振拔則且願持權在
卑墜之望廕庥復稍思稅駕從古難者于今見之雖范蠡
登舟子房避世方之高躅何足比肩悽悽懇誠伏望深鑒

上前鄭滑周尚書啓

前人

尚書筆綜文經機參武緯虛已應物推誠濟時澄明而識
內融操剗而鋒不露在文宗時以詞藻參近密峭若孤峰
在武宗時以韜略鎮藩維殷然巨防謂往無不利用皆適
時今者急詔徵還開襟待見必當付以舟楫委之陶甄空
濟兆人鎔範庶物天下幸甚此時或希匠化獲備圓方盜
天地之大和沐唐虞之至化生死幸甚

上前易定盧尚書啓

前人

尚書文從心匠武自天機西南貞右界之師東北振中山
之旅莫不皆爭死節願答深仁乃者訓撫二州折衝四境
飲成德盧龍之帥盡醉禮容啖天雄橫海之師被克文教
故得人知俎豆倍廢干戈嚴城夜開外戶不閉遂使常山
蛇陣翻成干戚之文易水劍歌遽變鹿鳴之奏雖去病不
師吳起世祖常合伏波方之變通曾何比數佇見翔翔温

溫樹刷盪天地代著中興風還太古此時或將歌詠獲偶

一作雍熙心醉堯躔神迷舜樂百生幸甚

上中書李舍人啓

前人

某啓某聞枝枯幹悴助莖葉者烟蘿棟橈梁歌能扶持者匠石是以茂盛自豐於莖葉孤危全賴於扶持若不爲枝梧則立見傾弛某因緣恩顧輒吐肺肝伏惟念以風波必垂拯濟生死幸甚某家望陵遲眇然孤藐飄流勤苦垂三十年分分自登粒粒自啄取第不因於故舊蒙知皆自於雋賢每用飲水清心閉門守道南宮試藝三篇徒獻於九重東觀雙書七稔總登於一邑同時流輩盡列班行獨此後時有慙先達得不沉吟俛首局促哀鳴某自守一官條

爾兩考惟將勤儉用免悔尤刻意撫綏總成條貫曹無宿案獄罕係囚孤弱者貸之以恩豪強者繩之以法置公廨草三千束粟三百石小有供湏了無率配泊徵三稅不鞭一胥公署無喧雀羅可設縣南峽口群盜所居白晝劫人赤丸殺吏某自到縣百計方圓峽南關北各置一鋪仍選有身手健兩處共置十人給與園場兼之杵臼往來應援旦夕隄防自此已還盜賊弭息其餘恢張解宇搜抉姦欺澄清鎮軍檢轄僚吏乃至招携戶口役使人夫利物之由不可具數昨者秋收自京回具舍人面喚詢諸所圖上戴恩知莫能比喻某比者依投仁宇首尾三年苟非同聲未嘗接武輒將勤苦勉自進脩豈假再言素應詳熟尚想躡

前即席月下談詩偏於才雋之場曲借吹噓之便其柰驚
湍暗激利觜潛傷清要班資寂寥擬議自料於家必孝於
國必忠於事必勤於身必正刑於兄弟至於家邦亦何必
貴擬齊桓富侔盜跖復念誓志不識古人盟府策勳用爲
已事至於亭嶂山川之險易儲蓄一作軍儲經費之有無戈鋌
利便之短長戎狄土風之好尚莫不心摩意揣慮計神籌
言從智符事與機會陳思王之自試不獨古人班定遠之
束書馬知來者旣蒙憂軫得以諮謀伏惟念以迷方指其
捷路生死幸甚今所期者國產博士赤縣子男儻蒙歷試
諸艱便作秦隴刺史不妨緣階取貴因効建功事列鐔斧
名光史冊生死幸甚所謂射已之鵠無信旁人苟能自審
行藏不致甚費恩力伏望憫其孤立曲賜重言俾枯莠再
生於青楊朽骨重肥於白日誓當觸槐全盾結草抗回生
爲廝養之臣死作掃除之鬼生死幸甚如或責其狂妄校
以尊卑躁僭之辜生死惟命伏惟俯垂仁恕幸甚不備謹
啓

爲崔從事寄尚書彭成公啓

李商隱

福啓福聞雀辭楊館常懷資篋之恩驚別張巢未結雕梁
之戀推誠况物某有類焉始者尚書晞髮丹山騰身紫府
曉趨清禁則瓊樹一枝夜直黃闈則金釭二等人寰莫見
塵路難逢而其志在諱窮勇於未益輒干皂隸自露菲葑
寶肆廻腸只期和氏醫門投足永念倉公果蒙愍彼顛愚

溢為題品勾萌始達依周圍以揚翹滴瀝絕分託靈光而

振響遙輕集作輕軒短羽驟化窮鱗每欲陶冶肺肝耕耘筆硯

粗調宮徵以謝陽秋而義有多塗情非一槩辭煩轉野意

密彌賒雖途迨如韓遂之書及覆類集作若高洪之紙終無

髮鬢可得端倪去歲洛陽獲陪良宴頻趨絳帳累坐青氍

况聞懇拒台階請從藩屏舉却超之幕畫數阮瑀之軍書

懸以嘉招刑於善譴何言違阻復賀光陰潼水千波巴山

萬嶂接漏天之露雨隔嶓冢之烟霜皓月圓時樹有何依

之鵲悲風起處巖無不斷之猿剪嚮義之初心集作軫懷孤

仁之勁氣竊惟秦鏡當察衛桃一昨伏承擁節浚郊建牙

隨岸將求捧幣申好裂裳就塗接枚叟之餘光奉鄒生之

末座又伏慮旋登殷夢俄奉周畋徵詔已行拜塵無及排

徊失措鬱悒誰耶必也華榻長懸簡書無廢即割任安之

席堪晒無圖負田叔之鈴可嗟非據伏惟慎安寢膳勉護

興居早秉信圭速調大鼎至於禱祝實倍等倫半菽思貯

於神倉一勺願投於靈海道之云遠更開殷浩之函書不

盡言重灑楊朱之淚攀戀威激不知所裁伏惟俯賜監照

謹啓 上兵部相公啓 前人

商隱啓伏奉指命令書元和中太清宮寄張相公舊詩上

石者昨一日書訖伏以賦曠代之清詞宜當時之重德昔

以道均契稷始染江毫今因慶襲帝平仍鐫宋石依於檜

井陷彼椒牆扶持固在於神明悠久必同於天地况惟陋
質集作非陋早預生徒仰夫子之文章曾無具體辱郎君之機
下尚遣濡翰空塵寡和之音素乏入神之妙恩長感集格
鈍慙深但恐涕洟終班琬琰下情無任戰汗之至

上時相啓

前人

商隱啓暮春之初其澤仍降既聞沾足又欲開晴實關燮
和克致豐阜繁陰初合則傳說為霖媚景將開則趙衰呈
日獲休恩養定見昇平絕路左之喘牛用驚丙吉無廐中
之惡馬以役任安偃仰興居惟有歌詠瞻仰集作望仰闕闕不
勝肺肝謹啓

上河東公啓三首

前人

獨

商隱啓兩日前於張評事處伏觀手筆兼評事傳旨意於
樂籍中賜一人以備紉補某悼傷已來光陰未幾梧桐半
死才有述哀靈光猶存且兼多病眷言息胤不暇提携或
小於叔夜之男或幼於伯喈之女檢度信苟娘之啓常有
酸辛詠陶潛通子之詩每嗟漂泊所賴因依德宇馳驟府
庭方思効命旌旄不敢載懷鄉土錦茵象榻石館金臺入
則陪奉光塵出則揣摩鉛鈍兼之早歲志在玄門及到此
都更敦夙契自安衰薄微得端倪至於南國妖姬叢臺妙
妓雖有涉於篇什實不接於風流况張懿仙本自無雙曾
來獨立既從上將又託英僚汲縣勒銘方依崔瑗漢庭曳
履猶憶鄭崇寧復河裏飛星雲間墜集作墜月窺西家之宋

玉恨東舍之王昌誠出恩私非所宜稱伏惟克從至願賜
寢前言使國人盡保展禽酒肆不疑阮籍則恩憂之理何
以加焉干冒尊嚴伏用惶灼謹啓

二

商隱啓某聞周朝貝葉列妙引於王褒梁日枳園灑芳詞
於沈約必資乎鴻筆麗藻刻乎真金翠珉然後可以充足
人天發揮龍象苟其曖昧即匪莊嚴爰託亨塗夙聞妙喻
雖從幕府常在道場猶恨出倍情微破邪工少二百日斷
酒有謝蕭綱十一年長齋多慙王真仰戀東閣未歸西林
近者財俸有餘津梁是念適依勝絕微復經營伏以妙法
蓮華經者諸經中王最尊最勝始自童幼常所護持或公
幹漳濱有時疾疹或謝安海上此日風波恍惚之間感驗
非少今年於此州長平山慧義精舍經藏院特剏石壁五
間金字勒上件經七卷既成勝果思託其音伏惟尚書有
夫子之文章備如來之行願不蓬惠遠已飛廬岳之書未
見簡栖便制頭陀之頌是敢右繞三匝仰希一言庶使鵝
殿增輝龍宮發色流傳沙界震動風輪報恩於蓮目果唇
奪美於江毫蔡綃伏希道念得降神鋒瞻望旌幢携持礎
斧曝身布髮以俟還辭無任懇迫之至謹啓

三

商隱啓伏奉榮示伏蒙仁恩撰金字法華經記一首正冠
薦笏跪捧伏讀聽儀鳳之蕭管祗恐曲終對仙客之棊枰

仍憂路盡欣榮羨慕造次失常昨者爰託翠珉將翻其夾
方資護念粗翼標題換骨惟望於一九剗身止求於半偈
豈謂尚書載持夏筆仰拂文星入不二法門住第一義諦
儒童菩薩始作仲尼金粟如來方爲摩詰鋪舒於無上藻
輝於至真而又以七喻之微較五常之典要胎然合契永矣
同塗既令弟子言詩又與聲聞受集作授集作記一佛出世萬人
所望不知孱微何以負荷便當刻之烏篆置彼龍宮此則
吹之以宋玉之風照之以謝莊之月彼則傳之於赤髭疏
主示之於白足禪師然後召筵趨門前芻入廐以鈿奴爲
勸集作友與車御爲良朋冀必從公以謝嘉命過此而往
不知所圖下情無任距躍感激歡喜信受之至謹啓

端午日上所知劍啓

前人

商隱啓五金鑄衛形成邪神劍一口銀裝漆鞘紫錦囊盛
傳自道流頗全古製未遇良工之鑒嘗爲下客所彈龍藻
雖繁鵝膏稍薄敢因五日仰續千齡厠玉玦於君侯擬象
環於天子所冀更蒙千灌重許三鄉一作鄉非使武士讓鋒佞
臣喪魄無荆王之遇敵手以麾城有漢相之策勲腰而上
殿嘉辰祝願平日禱祠伏惟恩憐特賜容納謹啓

端午日上所知衣服啓

前人

商隱啓右件衣服等弄杼多踈紉針未至浼李固之奇表
累王衍之神鋒敢恃深恩竊陳善祝伏願永延松壽常慶
蕤賓遠比趙公三十四歲集作年集作當國近同郭令二十四考

中書肝膈所藏神明是聽仰塵尊重實用兢惶

...

...

...

...

...

...

...

...

...

文苑英華卷第六百六十五

